

蒲

室

集

六

蒲室集目錄

疏

仰山虛谷和尚住徑山江湖疏

東嶼和尚住靈隱行宣政院疏

雲外和尚再住天童疏

千瀨和尚住淨慈諸山疏

湛堂法師住上竺江湖疏

元叟和尚住徑山諸山疏

竺田和尚住靈隱集慶諸山疏

真如菴遷住下竺行院疏

疏

靈石和尚住淨慈行院疏

如一溪住寶林行院疏

潤玉出住演福教寺江湖疏

璨無瑕住上虞南塔杭諸山疏

秀枯木住四明大慈諸山疏

存古鏡住象山太平行院疏

蘭首座住南潯祇園杭諸山疏

圓方外住義興善權杭諸山疏

凱南叟住車塘廣福教寺諸山疏

南叟住廣福三宗諸山疏


暢父溪住象山蓬來杭諸山山門二疏

義首聖住四明妙智諸山疏

進錢壁住婺州天寧江湖疏

永羅源住温州淨社諸山疏

當湖新建福源寺請林平山開山杭諸山疏

悅  住普福教寺諸山疏

竺源和尚住崑山薦嚴杭諸山疏

孫  住上虞資聖寺杭諸山疏

範準堂住台州法輪諸山疏

靈一源住鳳山資福杭諸山疏

疏

二

長

有子有住本覺杭諸山疏

王藍田住廬山栖賢杭諸山疏

竺田住圓通杭諸山疏

楓橋泰天與遷龍興天寧杭諸山疏

瑛石室住昌國隆教杭諸山疏

徑山首座照了堂住龍興旌忠杭諸山疏

了堂住旌忠山門疏

淨慈首聖古鏡堂住天目大覺諸山疏

穎中山住天平杭諸山疏

瑞少曇住光嚴行院疏

唯一巖住安吉常樂院疏

報國寧晉翁住天封諸山疏

能仁逸日休遷保寧諸山疏

周南翁住集慶能仁揔管府疏

蕪湖吉祥香東陵住清涼江湖疏

淵萬宗住龍山山門疏

茂古林住江心行院疏

愚如菴住仰山行院疏

恩斷江住開元行院疏

誠古心住仰山杭諸山疏

疏

三

悅南楚住妙果

住顯慈杭諸山疏

仙竺堂住興善

來竺源住翠巖行院疏

鄒東山住江陰悟空行院疏

明雪窓住圓覺江湖疏

定空山住瑞光

觀遠山住四明佛巖江湖疏

宣無言住鳳山資福行院疏

如一溪住浙江萬壽江湖疏

印無文住高亭

潔瑩中住台州澄心諸山疏

玉蘊中住道吾杭諸山疏

澤天泉住昌國普慈諸山疏

珍林蘊住象山等慈江湖疏

芝住四明

珠龍淵住碧雲行院疏

全衡山住淨社杭諸山疏

楷不模住越之延慶杭諸山疏

宣政院 奏改中天竺為天曆萬壽永祚禪

疏

四

長

寺請如一溪住持疏

曇芳和尚住徑山集慶諸山疏

了即休住金山集慶諸山疏

依無住住台州慶善杭諸山疏

逸休畊住越之天華寺疏

疏

西竺僧荆門建寺化佛殿疏

帝師殿化供具疏

淨慈寺鐘經二樓化疏

淨慈寺化五色猿千佛閣疏

化夏供疏

台州護聖寺僧刺血書法華經化藏經疏

高麗惠因寺化脩造疏

長橋寺化脩造疏

徑山圓鑑菴化田疏

常州崇勝寺化脩造疏

鍾山脩造化疏

廬山東林寺化疏

中天竺脩造化疏

虎跑寺素祖師象化疏

疏

五

蜀僧琦老化藏經歸蜀疏

奉勅重脩百丈清規疏語

聖節啓散二疏

祈晴

祈雨

祈雪

遣蝗

日食

月食

佛降誕疏

佛成道疏

佛涅槃疏

帝師涅槃疏

達磨忌疏

百丈忌疏

楞嚴會啓散二疏

景命日祝香

聖節祝香

水陸齋疏

奏上

文宗皇帝表

薦佛智師疏

薦受業祖高峰雲和尚疏

薦叅請師友疏

薦徒弟兄宥知津等疏

薦方外交疏

薦先考陳公疏

孤魂榜

疏

六

長

豫章 釋大訢 笑隱

疏

仰山虛谷和尚住徑山江湖疏

海上鉅禪藪惟五徑塢稱最位天下師表之尊旌空
門極品之貴淪胥不競若夷其高皇皇我祖克有成
規貽焉于茲未知攸叙若蹈焚溺罔不恫心共惟某
德重山林名高當世猗頓失富王公屈尊而化被荆
楚三十年吳人謂楚不宜私我善知識以大方五聘
猶不就天道有待若留師以重徑塢非以徑塢重師

疏

七

也黽勉蚤夜庶幾作興以藝掩衆衆或不服以德輔
時時可自化故衆目雖紊提緦不煩工不自用從繩
則正視今猶昔道不遠人久佇虛心式瞻至止

東嶼和尚住靈隱行宣政院疏

推誠護教有如金城湯池倡道提緦要若銀山鍊錚
我既不忘靈山記前師其闡揚少室宗風某行亦而
和言簡而要永明之書百卷異曲同工松源之道四
傳一絲九鼎陽烏東昇陰霾解駁天柱中立狂瀾障
回顏聞玉應金春以警鯨瘖鼉寐二十四考中書之
貴孰儼清高千五百人知識之尊式瞻光采法輪三

轉

天子萬年

雲外和尚再住天童諸山疏

太陽傳法立孤猶嬰曰之難辯才出山歸者如岐邠
之衆信知在德不在力孰不有祖而有宗惟茲藐然
是可忍也某氣養冲澹語出渾成胸次廓其町畦高
風激彼貪懦長空一碧煌煌東方之啓明諸峯四圍
凜凜雪山之太白自有神龍呵護不為尺蠖求伸世
路多岐可以南可以北簡書相恤式如玉式如金更
始重盟益敦舊好

三

疏

八

瀨翁和尚住淨慈諸山疏

寶掌自五天飛錫爰止中峯永明由冷泉開山復遷
南宕信行道各有其地豈至人居無定方某辯博通
宗材全兼濟眼空一代前無睦州雲門書成萬言自
任器之潛予此行適其時也衆望亦已久如歸歟故
丘我翁之田秋矣瞻彼喬木先人之廬在焉舉其宏
細脩我隣好

湛堂法師住上竺江湖疏

辯才文捷愚可別其是非四明孤山智莫窺其深淺
故為學在慎乎心術而立言以定其師承某辯折千

度越前古聲飛丹陛何天竺莫挽其高風名躍金甌
若鷲嶺有待於今日某語空衆妙機透重玄宗姓俱
高興臨濟同出邢氏師資宿契喚雪峯萬福曾郎話
行江西三十年增高廬鼻幾千仞道闢于奧與日月
而爭光宗會其元猶河漢而無極方喜金陵之會遽
為錢唐而歸與其領後勘驗諸方曷若據室大弘法
施南山之南北山之北續承祖父兄箕裘一乘非一
三乘非三掃空經律論露布如佛出現大衆霑恩

如菴法師住下竺教寺行院疏

奉 綸音以護教簡自 宸衷擢正士以匡宗探彼

疏

十一

卷

輿論惟激濁揚清之必當庶拔茅連茹而彙征其持
道堅剛宅心虛靜鼓吹三藏居然大雅之音批康九
流廓爾太虛之量豈久泥解空惠行之故武合思振
唐標隋觀之遺規四衆歡呼殷萬壑之雷動一乘極
倡肆九河之瀾翻夙夜惟寅祈天永命

靈石和尚住淨慈行院疏

永明之道始自天台國師南泉之門獨推趙州古佛
如此耆年宿衲不愧古德鼓林某大法元龜宗門碩
匠蟠留五千卷癯然身不勝衣住山六十年允矣囊
無餘蓄六足勵彼薄俗孰能挽其高風誓將一室之

拙遲奈爾千衆之圍繞倚巖枯木誰知天澤淋漓傲
雪喬松益見歲寒節操惟進退之有禮願出處之無
恒用我者東周乎豈繫瓜而不食矍鑠我是翁也如
據鞍而請行力任單提傾誠三祝

如一溪住寶林行院疏

山華礧水捻是清淨法身虎穴魔宮不異塊率內院
以大士深弘願力而吾師尚忍安眠某道德在躬光
華著外理即事事即理日用等空劫無差言願行行
願言說法與契經相合痛掃雕鑄之弊力排奔競之
風荷囊馱鬧市紅塵飛錫愛亂雲深處碧梧翠竹鸞

疏

十一

鶴停峙想見高標深山大澤龍蛇所居孰窺神變非
世絕可羈者以禮羅而致之朝取一人暮取一人何
多賢也待以國士報以國士非敢望焉期轉法輪助
宣

聖化

潤玉岡住演福教寺江湖疏

大方廣衆所以傳道比者妄庸雜進而名德愧之往
往遜去以為高使後學失所依歸僻之世家外姓爭
立長嫡避讓當取不取與非所取而取者其過一也
若玉出法師者德重宗門學探玄要會諸家無異同

說水到滄溟演一音非大小乘霆轟輶戶何自譙抑
以呬輿情況丞相之銓衡至公而使者之疏幣交委
時當像季顛見優曇一華日用常行捻是般舟三昧
幸回象步以尉漚盟

璨無瑕住上虞南塔杭諸山疏

清涼譯經豈羨金印如斗通玄造論親宣玉偈貫華
不圖像教千年復聞同別二教某經羅百氏胸次九
流詞嚴周誥殷盤韻勝杭標越徹名實不謬一洗錢
爐步志之朝體用全彰何待金師子章之喻即長水
見琅琊悟處如圭峯出荷澤源流祖子孫三代機緣
塔上風鈴解語漸頓圓一音演說堂前露柱交參的
赴來機相逢勅敵

疏

十二

秀枯木住四明大慈寺諸山疏

昔而翁却中峯之聘聲震怒雷使藂林知師法之尊
重增九鼎宜乎仁者之有後孰謂天道而無知其墮
地驂馱故家龍象取光燄燄寒巖回枯木之春有陣
堂堂天柱障東南之險久嚮橫行於海上不若歸來
予山中於是伐鼓考鐘于以過家上塚妙嚴季子相
傳天上麒麟丞相祠堂忍見草間翁仲真一語以警
大夢庶茲行式尉羣情辯河瀾翻若決懸水千尺慈

盟

淨慈首座古鏡堂住天目大覺

文正請古公開堂聚林增重九峯為大覺作疏華袞
非榮惟茲寺之肇興與嘉名而適合其化機密運妙
斷無痕藏天壤於一筇瀉波瀾於千偈閒房古寺儼
陳尊宿之風規得座披衣奪王老師之機用燕齋豈
知鴻鵠駕駘空羨驂騑誦佛語傳佛心名實相稱出
天台入天目入境俱奇遐想高標願聞極偈

穎中山住天平枕諸山疏

平江夫平寺乃宋宰相范忠宣公繼其父文正公

疏

廿三

朱

之志依祖塚義莊之間創仁祠請於朝賜額曰天
平白雲禪寺東坡蘇公薦浮山遠公開山近時得
古林斷江無言諸老相繼住持而大方莫與抗衡
矣比者虛席數載行宣政院公選徑山寺書記中
山穎公出世補處眾謂自公舉道廢所至妄庸竊
據獨天平得不污辱喜中山之出為得其所作疏
以慶

白雲孤飛想見此老之志九京可作願從斯人之游
眷茲泉石肇創仁祠至今草木猶存遺愛蔚為望刹
代有名流其慧朗親孫圓鑑嫡嗣得之語默不及用

瑾弗售嘗早游於方外況妙叶於機先扶驪龍而得
珠非遭其睡射白頰而沒羽所貴不疑與其道播江
湖孰若化行閭里提振細宗傳付法歲三生善卷山
中重来何晚一舸洞庭波上顛見無由明月一方同
風千里

演福首聖凱南叟住車塘廣福教寺諸山疏

明珠歷掌照無遜形洪鐘在縣扣斯善應惟茲一代
時教咸觀四衆機宜所貴為人其名出世某行方而
粹顏瘠而腴語非教墨非禪語默不及止即定觀即
慧止觀兼資當如跡混混塗何得目視清漢南世山
中風致與子難忘夫容洲上因緣待人重舉鼓勇士
氣鼎重宗盟

凱南叟住廣福三宗江湖疏

考室以除風雨作興而思長途致其用也達人應世
寧不其然匪伊獨善貴在同波汨彼昏昏吾寧濯濯
徇物多方其歸一轍聿觀先德鮮不劬躬惟我南叟
講師寂而恒用辯而恒默夫教始西土裔流中夏乃
判三宗而未始異也若師行律而心禪而迹徒教庠
者皆跡耳盍將會其大同焉何茲江濱一寺叢爾匏
繫而三宗之士睽睽景從迫之就道尊師道也噫道

德之貴山林之榮尚矣奚以位之崇虜為足帶亦惟
上承先宗之寄下以尉塞羣望而尚克光于祖庭

大慈暢文溪住象山蓬萊杭州諸山山門二疏

屋老青山夢斷吳雲楚水丹成白日人登方丈蓬萊
颯御冷然風流藉甚其淵才泉湧肆辯雲興神交有
曾郎齋公議論得器之潛子偃鼓奪旗深入老拳毒
手相當得士如一角麟徒能驚俗舉世皆水潦鶴誰
為識真以人事料人難知我希則我貴四海獨往買
絲繡作平原君諸公齊盟鳩人豈有羊斟子

道行四方有圓悟之返蜀名高當代而雪峯亦歸闕

疏

五

朱

當如匹夫為百世師孰謂我邦無善知識曇華易見
晝錦非榮其智得無師語空衆妙不解答話只識病
以我為隱乎及夫見面比聞名過人也遠矣老師避
席弟子成行非蘄化北溟之鷗蓋難隱南山之豹溪
邊茅屋無端菜葉隨流海上神山乘此清風歸去傾
誠法誨屬耳聳音

義首聖住四明妙智諸山疏

湛盧之劍必清水淬其鋒輪囷之材須大厦展其用
故士之守窮不變信道亦待時而行某有陣堂堂逼
人咄咄脫皮膚獨得真實從源委始涉波瀾還國師

犀牛鬼氣刺深壘會百丈下堂句負無卓錫十年古
寺間房一曲陽春白雪物有所待時豈偶然肇置仁
祠乃一代風流宰相聯芳禪苑皆君家阿大中郎幸
依輔車相與軒輊要使楚林晉用何慚盧後揚前伯
吹填仲吹簫同心以濟南有箕北有斗矯首相望

進鏡壁住婺州天寧江湖疏

舉世濫真郢書盡為燕說登賢繼席蕭規正要曹隨
非惟得楚人之弓乃合返趙城之璧某持衡常正縣
鏡不痕衆推出世為人奚事頓徒行腳藥汞銀鍍即
流去正墮計中塗毒鼓聞者喪身方迎全敵善藏無
下

天賦

十六

朱

永羅源住温州淨社諸山疏

悅公識老素於隣房稽顙稱服靈樹待韶陽於嶺表
虛左以迎由來四海龍門稱此丹山鳳羽某剛貞玉
雪叱咤風霆煨蘆煎揆得禪八珍爭富觸茶瓢解荅
話白刃無前天機貴得於自然夫子非拙於用大巨
緇五十捨寧求涸轍鮒魚蟠樾三千年不作褪華杏
子時乎難得而易失道在致之而力行妙嚴有季子

宗倡之濫久矣迨此菴出如朱絃獨奏淫哇俱廢是有功輔教者也雖嗣其世班班而無以廣席居之吾儕無愧乎其游刃重玄粹英衆妙匪極于奧益善其機弘道三十年猶河潤雨施自浮山得旨還已遯跡茅化止鄉閭而未決其東西州也惟茲東禪代有著德毋曰淹寓庶乃序遷夫身之詘信道之隆汙系之尚言不若自信致知猶能力行用執簡以告誠浮于禮無溢其辭

菩提寺孫公住上虞資聖寺杭諸山疏

昔波離之創律遠取諸物近取諸身迨真悟之起宗

疏

十八

疏

周穆中規折旋中矩欲會殊而歸正寧枉道以從人其辯析錙銖學色同異制有常度嚴如法家者流事豈空言聞諸副墨之子克明授受益善師承至公不避親嫌大用寧存化跡東游禹穴舊時石室烟雲西望蘇堤珍重玉壺風月非旅進而旅退惟一弛而一張欲上坡先下坡少迂脩步我北海君南海尚接嗣音

範準堂住台州法輪諸山疏

席丘直下諸師孰承重寄閩海素稱多士所望當仁古今人物不殊藜林典禮有在某正氣無撓一節不

盟

淨慈首座古鏡堂住天目大覺

文正請古公開堂聚林增重九峯為大覺作疏華衮
非榮惟茲寺之肇興與嘉名而適合其化機密運妙
斲無痕歲天壤於一筇瀉波瀾於千偈間房古寺儼
陳尊宿之風規得座披衣奪王老師之機用燕爵豈
知鴻鵠駕駘空羨驂騑誦佛語傳佛心名實相稱出
天台入天目人境俱奇遐想高標顛聞極倡

穎中山住天平杭諸山疏

平江天平寺乃宋宰相范忠宣公繼其父文正公

疏

廿三

朱

之志依祖塚義莊之間創仁祠請於朝賜額曰天
平白雲禪寺東坡蘇公薦浮山遠公開山近時得
古林斷江無言諸老相繼住持而大方莫與抗衡
矣比者虛席數載行宣政院公選徑山寺書記中
山穎公出世補處衆謂自公舉道廢所至妄庸竊
據獨天平得不污辱喜中山之出為得其所作疏
以慶

白雲孤飛想見此老之志九京可作顛從斯人之游
眷茲泉石肇創仁祠至今草木猶存遺愛蔚為望刹
代有名流其慧朗親孫圓鑑嫡嗣得之語默不及用

之文采全彰垂三語立三關如見西河師子擬九流
作九帶不減柴石野人諸君收斂波瀾避子出一頭
地辟之武事何翅十萬甲兵展也大成復見三千禮
樂當慎此舉毋負遠期

瑞少曇住光嚴行院疏

履狝而知瘠肥是為良賈解牛而至宵縻始曰善庖
故為政必先求賢而經宗所以弘道某行無畦町志
不磷緇籌室先登及見永明全盛龍門獨步其如妙
喜南遷與其傲睨太白之顛執若尚羊西丘之上凝
塵一榻儼如千衆之臨蓋頭把茅自作萬間之庇期

疏

廿四

光法運仰祝

帝齡

唯一巖住安吉常樂院疏

切謂古之有道人皆師之不聞有住持也自百丈立
藜林師道益尊制度大備下迨末流黨競勢奪而傳
道為虛文矣猶時得一人焉當其名位則學者顛顛
然望之吁善人之不多見也有若一巖禪師久著道
譽雅有典刑堅卧一室竝若雲峯而湖之諸山以安
吉常樂院延居之具呈行宣政院劄下敦請開堂學
者尚謂叢爾之寺不足以屈高風有揚於衆曰風穴

單丁草屋藥山三篋束腰皆任宗門九鼎之寄彼非
其人則萬間之廣猶傭居也千衆之多猶閨市也又
孰得而有之所存在我何羨何人於是相率具疏排
闥以請伏望垂慈俯徇衆望

報國寧晉翁住天封諸山疏

骨挫入錢唐濯足蓬萊清淺高菴居華頂矯首龍象
駿奔聚林以去留為重輕法道以行藏占盛替其河
漢無極山嶽不騫絕類晉黃牙翁何曾用黑豆法八
九雲夢曾不芥蒂君其過之四百甲子尚辱泥塗予
之咎地天將佚之以老山亦與之俱高以一身當三
千或承重寄行百里半九十方戒長途傾倒平生想
見風采

能仁逸日休住保寧諸山疏

養花如養賢少日已稱才絕學書兼學劍白頭空有
藝成可無擔石之儲幸鬻千金之帚某飛鳶擢秀威
鳳來儀南有雪峯北有趙州接踵可追大父大兒父
舉小兒德祖聯裾況得二難風生翠領之曾臺月出
青溪之九曲嘯歌荅響來往風流舞鱗鱗而踈狐狸
其技有盡侶魚蝦而友麋鹿與物無疵顏孫先登未
容虛左

一同時越上庶幾投枕而起寧無擊鉢而歌才名四十年深愧相知之晚文字五千卷頭聞一語之玄仰
荅 鴻休丕承 景命

誠古心住仰山杭諸山疏

茲以行宣政院疏請前智者古心誠公住持江西
仰山禪寺法道得人緝詞奉賀

魔說肆行孰謂法城之固衆生可度誰憐苦海之深
故扶顛持危必求宗匠而拯迷援溺不倦慈航或遽
跡不以為高倘徇緣未能免俗進退有禮出處無恒
某早歷西江新承大仰撫龕而慟如月菴傳開福之
衣展像如生非殺子受大陽之履三十年後不妨疑
著百萬衆前豈可欺哉此行不為鄉情要決未了公
案拭目盍舉有光齊盟潯陽向上不通潮空煩迤佇
凌霄峯頭挹南嶽尚接嗣音

悅南楚住妙果

繫昔我祖肇置宏規惠我後之人尚克繼之拾掇墜
緒六曰殆哉矧聞經宗解紐黨競胥讒判大道為溝
塹倚筆舌相捍禦甚無謂也某學博通宗林全無濟
堪承重寄允協人謀天之生材必需其用又士有為
何恤於勤幸速光賁勿循撫謙

住顯慈杭諸山疏

溥熙執政有遺愛於桐鄉諾菴老禪爰開基於祇樹
故今茲蔚為望刹惟繼者代不乏賢某入廬嶽種白
蓮想見風采從梵僧談貝葉不改唐言非求肖子車
之猴取虛寵懿公之鶴耽源得體為山得用較癖子
猶涉兩岐三聖太孤大覺太奢惟興化果於獨斷偉
哉義讓可變攘搶取一人拔其无彈冠胥慶行百里
自此始膏車相從

仙竺堂住興善

翠駁追風須造父王良之御龍光射斗必干將莫耶

疏

二九

之精故藏諸用而顯諸仁欲善其事必利其器其久
稱過量克荷此宗多智如遠錄公應機合轍豁達似
端師子與世同波惟思接手以出泥塗豈曰衣錦而
耀閭里滄海遠連地脉寒巖忽散天華少佇盤旋自
擬栖梧之鳳未能造請空慚遠屋之烏尚挹玄風如
餐法味

來竺源住翠巖行宣政院疏

名山大川久嚮江西法窟耆師宿德能弘濟北正宗
荷負匪輕擇賢惟謹其透三關語悟劈箭機笑大寧
聖船頭點胸自許喚睦州擔片板直視無前藪林已

播嘉聲四海頭聞絕倡焚迦葉衣碎維摩座方稱全
提挹淨丘袂拍洪崖肩更看獨步廣宣玄化仰答
聖恩

鄴東山住江陰悟空行宣政院疏

風雨震凌安得萬間廣厦河流奔潰孰為千里長堤
故我授命而經宗俾爾擇師而唱道其疊疊高論落
落玄機五髻峯頭知子得其三昧矣靈山會上謂吾
曾轉法輪耶四衆久仰提經諸天亦為推轂丹山繞
座春生錦步障中優鉢吹香天近旃檀塔表法說衆
中第一嵩呼萬歲者三

天疏

二十

張

明雪窓住圓覺江湖疏

佛印據聖以迎僧統特彰佛法之尊雲菴踵門而見
舒王發明圓覺之義千載高風未泯一時此話重行
其逸思颺馳玄機電擊陶埏萬類回筆下之陽春糠
粃九流洞胸中之水鏡顏睹曇華現瑞何妨鋤斧住
山辭若永嘉一宿而歸不減神光三拜而起燕山雪
華大如席馬駿空羣江南野水碧於天漚間似我相
期歲晚毋負平生

定空山住瑞光

懷我祖庭曾容五百龍象至今宰堵如觀萬丈虹蜺

當有奕葉優曇重現五濁惡世某美玉醞藉神珠渾
圓華雨飄空久住雙峩峩峯下法雷震地更看瑞相堂
前況義足以感人而才長於應變故茲盛舉僉曰當
仁土山焦而金石流顏沾沛澤洞庭波子木葉下吾
欲問津

觀遠山住四明佛巖江湖疏

駿骨市千金貴得驂馱之至丹鳳引九子如矜羽翮
之新方嗟作者蔑然此舉過人遠甚其操履有素應
用無方入室橫趨犀牛兒不妨話墮逢人則出睡虎
子終有醒時松風奏萬壑笙竽華雨被三巖錦繡歡
傳羽社光耀里閭起遺佚於海濱莫酬素願想高標
於霞上足尉同盟

宣無言住鳳山資福行院疏

佛祖正續不是無禪只是無師銓衡至公若能選官
必能選佛故茲禹泉之虛席博求四海之名流某師
承有宗辨說無礙挺挺七閩之秀堂堂萬夫之雄毛
衲來歸已見衆水赴壑白雲高卧不羨羣飛刺天的
為破菴之孫力弘臨濟之道鳳翔千仞覽德輝而下
之鯤化南溟搏扶搖而上者繫我外護亦用有光
如一溪住浙江萬壽江湖疏

金剛寶劍孰敢嬰鋒佛祖鉗鎚誰窺妙密曠古獨步
舉世罕逢其一代典刑諸方標格遁菴堅欲絕世亦
循時宜妙喜擔不住山終從衆望我既協心削牘公
何高統閑關鷗鷺湖邊不阻南山携手魚龍江上相
期東海觀瀾混跡塵囂光輝我輩

印無文住高亭

善財之叅德雲別峯相見大覺之慕晉水航海而來
然弘法必待其人六師來於弟子匪曰往教貴要
垂慈其化洽三吳學該百氏守道以默何資貝葉之
煩縱辯不窮爰得襟華之富睠茲高亭之勝地昔為
名德之幽栖寒巖枯木之春吹回陽燄青山死灰之
色重複光輝久佇傾誠毋勞固讓

絜瑩中住台州澄心諸山疏

一市必立之平察其有偽尺筭日取其半計之無窮
故學者指歸而師無妄授其佛鑑四世圓應克家解
猛虜頷下金鈴力空羣穴放紫籙峯頭錢鷄氣無諸
方然時至必觀其機或道隱則藏諸用重來京邑無
兔葵燕麦之悲東望海峯有虎錫龍盃之盛信坎止
流行自若惟出游歸隱皆然竹有筠松有心式堅晚
操山如礪河如帶益固宗盟

玉蘊中住道吾

湘潭諸山想見古道顏色荆楚遺俗猶聞先德風規
然道在得於人豈今之不如昔其大朴天巧淵默雷
聲不謬傳衣源出天池之派嘗聞說法嗣翻佛海之
波屬茲授命以經宗方爾擇賢而輔教千里之馬常
有愧無識真百足之虫不僵幸相扶植金湯吾道膏
沐

聖恩

澤天泉住昌國普慈諸山疏

大覺還山特下皇祐之詔萬回歸里爰錫昭陵之袍

疏

三十三

疏

法門幸際明時吾子新承寵命某葺辯於訥用智以
愚一擊金樞細維百萬之衆再轉龍藏糝糠五千之
父不有萬里壯游曷展平生大志江北之橋為枳無
變本根安期之棗如瓜難忘故土放歌乎海上歸來
予山中邦君負弩前驅瞻望風采同黨捧盃以進願
執宗盟請從祝規以永終譽

珍州蘊住象山等慈江湖疏

悅公之交積翠取友必端寐音之嗣雲菴離師非早
千載有光僧傳一門不墜家聲其樂也一變器之四
璉受經問道後先皆一國之師縱辯非窮出處皆百

世之士正喜西湖勝集茲惟東海壯游江西法道如
何梅子熟也濟北陰涼有待葛藟繫之爾祖有靈後
生可畏愍吾徒之今日主宗盟者何人內不避親外
不避讎敢廢公論後能令軒前能令輕少助飛騰

芝
住四明

人林難知鼠璞未分真偽物論既定錙銖無隱重輕
矧法道有關盛衰宜旦評不妄許可其養銳以鈍廢
晦而光既多應世之林自合為人而出雲中五老先
師面目猶存海上四明古德機緣有在方期汗漫不
負提持吹噓久服於友朋出處況同於里閭水之黃
河山之秦華仰止其高西有長庠東有啓明輝於光
燄

疏

三十四

珠龍淵住碧雲行院疏

七閩知識有巖頭雪峯共如杲日臨濟法道至首山
風穴危若縣絲聞吾子出於七閩家系出於臨濟矧
我外護授命細宗廣搜遺侯於藜林爰有碧雲之虛
席恪遵令典以三名而闡之適中佳名如六博之梟
也吾不私子僉曰得人某行脩諸身文著於外正喜
筆端三昧何妨胸次九流卞和璞玉荆山鄙其自售
冈象得珠赤水出自無心尚邁前脩以永終譽

全衡山住淨社杭諸山疏

蘿陰高卧爰歸東海之濱蓮社遺風追擬匡山之下
飛錫知憐邑子前驅豈羨邦君某壯志不羈玄樞獨
運奪猛虜口中食豈曰不能得驪龍頷下珠非遭其
睡自愛松風度曲無端菜葉隨流鵬鷄天游鳶魚物
化丁丁伐木期與子而偕行燁燁紫芝若有人子招
隱聘士有鄭莊置驛澗人如秦卒踐更山川阻脩惟
戮力合從如約甌吳相望未同盟以告則書

楷不模住越之延慶杭諸山疏

念念諸佛出世誰為優曇鉢華人人萬德莊嚴不貴

疏

三十五

甄林迦寶即是開堂演法何須特地提細某教喜觀
機心存利物味均法乳無外山外山家辯劇連環有
讓僧肇僧叡光啓四明之奧力弘天巖之宗禪不知
教教不知禪皆非究竟水即是波波即是水胡有異
同剖破藩籬交脩隣好雖曰山川脩阻可無書疏往
來

宣政院

奏改中天竺為天曆萬壽永祚禪寺請如一溪

住持疏

眷此寶坊五竺烟雲維舊欽承奎翰九天雨露方新

必擇名師以鎮法席其行解相應宗說俱通拈來拍板門槌拋却金圈栗棘全賓全主不妨彌勒分身難弟難兄無忝妙喜六世當思大法為重勿以小節自高矧曰簡在

帝心予以平揚 明命千歲巖前枯木又見華開西
湖雪後諸峯相看玉立衍天曆之萬壽對嵩嶽以三
呼

曇芳和尚住徑山集慶諸山疏 有序

廣慈圓悟大禪師曇芳和尚謝事鐘山居東菴之
明年行宣政院以徑山禪寺缺住持從例舉三名

疏 三十六

闡括而師榮中疏命遠臨師猶將固讓有唱於眾
曰師居鍾山二十年金盛而恬退於義為高今宣
政使由省臺重望拯治教門以徑山為江南五山
第一刹首選碩德作興之於宗教為重義不當辭
師志乃決於是諸山緝其詞而具疏以請

昔仁廟賜大覺還山樂其嘉遯後魏公起妙喜出世
志在匡宗時之出處不同道之隆污所繫其德高一
代行配古人蒙

恩兩朝不減大覺之於仁廟受知賢相亦猶妙喜之
於魏公隨身觀史夜摩稱性法喜禪悅用古刀尺裁

藏主無住依公衆歡公謂得人夫慶善非臣刹又
僻居東海上豈足以賀以善人之不盡用而無住
為藁林士也雖未足行志差亦自尉耳故草疏以
抒其意云

道貴明宗以驗夫脩證之實不則肆為荒誕流為怪
譎若外道六師小有成就無足取也故學在擇其師
師在通其宗而後不悖於道矣若無住禪師者學有
指歸理探玄奧摳衣入室親承一國之師偃鼓擐旗
足任萬夫之敵茲焉出世所賴匡宗江漢始於濫觴
相期遠到丘陵虧乎覆篲勿棄前功珍重此行屬厭

所望

逸休畊住越之天華寺疏有序

切謂古有道士從而師之厥後命于官而道已
降矣猶幸有官君子賢明若范文正趙清獻之於
古公辨才者則吾宗是賴比數十年來貨鬻勢奪
而寺益虛耗夫以吾徒之蕃寺之廣不意若巨府
使一妄男子竊取之而人孰不蠶絲於我也秦定
改元

天子即位以銀青榮祿大夫江淅行省左丞相領行
宣政院事建明公選之道令下之日吾徒以手加

頌以祝以頌行之期月宿賊老饕莫敢肆志不謂
通者稼^禾蟲醯蚋自為戕蠹諸山以好惡樹黨於外
小胥抱文案責賂遲速惟命喜則旬日立上否則
淹匿踰歲時至疏駁數四不已杭之諸山俛首聖
其下以避嫌又懇聽者不之察故畏慎惟謹禁不
發一語然於宗教何如哉歲丁卯越諸山以天華
禪寺久缺其主舉三名呈上五月廿一日使院官
公會闡拈而蘇之承天首聖休畊逸公適中其選
或謂天華一叢爾寺休畊三十年禪林先輩若不
相稱者宜勿往或謂公選大行賢德退伏今幸進

疏

三十九

朱

一善以掩羣妄可無負相君而庶以解諸山之誚
休畊宜無辭於是作疏列或者之辯以勸之云

素公耆年兜率稱諸孫而下拜小南新進照覺領萬
指以出迎雖出處各有其時而激揚所以弘道某禪
關宿將籌室先登諸方掉辭而過餘子望厓而卻凌
霄當時滿二千龍象爰整其緇雙峩用處有十萬甲
兵我受其柄四海顛聞雪曲十年歸隱雲門誰謂此
行式符公論相君護教不啻佛法金湯老子休畊當
念祖翁田地故此移文以聘少陳排闥之言塊視三
山括觀五湖豈蹄涔之可戀天雨四華地搖六震尉

法筵之具瞻

疏

目十

疏

西竺僧荆門建寺化佛殿疏

荆明當楚蜀之交山川形勝佛舍合華竺之制天日照臨開壽域於八荒儼靈山之一會八十頃布金地式尉初心一莖草現瓊樓當逢敵手應身現宰官長者佛法付國王大臣信機感之冥通乃緇宗之有託望東土大乘根器遠涉流沙而來慕沃州古德風規不負買山而隱在在檀波羅蜜人人優鉢曇華何必萬間美哉輪美哉奐敢希一諾式如玉式如金

帝師殿化供具疏

疏

四十一

元朝開國輿圖倍廣於漢唐九譯同文儀禮未備於周孔萬生輔治之大聖實為開教之法王大荒以西翻經自貝多羅葉皇天之下瑞世如優曇鉢華凡百官宣勅誥命之文與萬邦軍旅期會之事陰翊

王度密贊化基功在生民則共祀之傳及後世罔敢違者吐辭為經舉足為法位居千佛之中博厚配地高明配天尊極一人之上

眷茲

南服之雄藩特按竺乾之遺制不豐不儉當如像設莊嚴載經載營盡是福田利益樂相告以善道期仰

卷於 聖明

淨慈寺化經鐘二樓疏

龍宮秘典如金匱石室之藏鳧氏造鐘儼清廟咸池
之奏脩其禮必存其器增其制必廣其居清風五百
間美哉輪美哉奠插架三萬軸式如玉式如金不從
拾級而陞誰語斲輪之妙側耳風鈴之好語身到崇
霄舉頭雲路之孤騫眼高四海必伐大木呼邪許安
得此兄如孔方不日經營何時突兀攀天關守九虬
凜凜于中乘雲車駕六龍穆穆在上

淨慈寺化五色猿干佛閣疏

毘盧法界非五色之裝嚴千佛同居有襍華之富貴
稱此翬飛樓閣加之黼黻文章刻楠丹楹顛倒天吳
紫鳳雕甍繡闥從驅赤豹文狸非為口角雌黃要辨
眼頭緇素稠載歸垂索往寧論後報先施將綠遶送
青來少助淡粧濃沫

化夏供疏

五椽先饋共瞻道德之光一飯不忘克盡報施之義
矧為衆一如為己與食志曷若食功選佛得甲科何
止三千禮樂心地収汗血有如十萬甲兵每食四簋
不素餐子錫我百朋永為好也

台州護聖寺僧刺血書法華經化藏經疏

圖報佛恩欲捐軀而示勇誓求法寶故瀝血以告誠
助發精進大心孰謂毀傷遺體增赤城丹丘之重取
龍宮海藏之珍痛下針錐當舍指而觀月功成汗血
須得免以忘帶信知福滿河沙不如書寫半偈諸生
毛穎願同歃血之盟海若山靈自有獻琛而至紫旃
檀紅茵膏沐春光錦繡段金錯刀莊嚴法施

高麗惠因寺化脩造疏

玉岑扶地移來海上三韓金粟應身重現毘耶方丈
眷此先世之遺澤願彰大覺之宏規非惟補弊支傾
庶曰繼志述事山河扶繡戶將獻巧於雲梯日月轉
朱闌爰建標於水臬猶資衆力以相成功皆海印之
發光若帝珠之分照檀越踏毘盧頂上頓超三賢十
聖之階善財入樓閣門中即是千佛一人之數恢廓
化境涵濡恩波

長橋寺化脩造疏

開山祖焚日祈雨感觀音授以目復明朝廷為建
寺

昔聞大旱金石流而土山焦爰感精誠天雲垂而海
水立盡謂暴狂之何益獨徵眇目之重明有功生民
在祀典猶脩其禮大德我祖而後人不替其居願予

心之何知視其顛而有泚塔鈴自語況多舶趕之風
土偶相憐益甚瓢傾之兩尚想美哉輪奐豈曰嗟乎
權輿長橋卧波依舊虹蜺天矯高岸為谷向來雨露
淋漓敢圖逭責或庶幾焉當見勇為而興起者使黃
金同土價顏希一語之仁得白璧照夜光不待立談
之頃百堵皆作萬福攸同

徑山圓鑑菴化田疏

佛鑑禪師虛谷和尚出世表之大仰重興其寺後
公舉遷杭之徑山於是吳越閩蜀高麗雲南之學
者如水赴壑藂林全盛至治二年四月十一日集

疏

四十四

衆詞色毅然書偈訣別而終前後住山四十年所
得施利悉歸常住脩造餘以散於人故沒之日囊
無宿儲幾不能葬其徒奉全身塔于寺之西峯曷
蒲田築室曰圓鑑菴猶未完備而朝夕香鐙之奉
與歲時節臘忌日供設之儀無所取具非藂林所
以待有道尊宿也而師之交游與叅學滿四方聞
之能不盡然于懷其徒某願持疏以告將買田以
給香鐙節臘忌日之用而乞銘於大手筆立石圖
久併刻所施者之名與所助若干於碑陰好義之
士必有以成之

傳鐙白日堂堂一國之師埋玉黃泉惴惴百夫之特
况窳壘之未備而祠設之弗嚴雖非古非今了三際
於彈指然一生一死見百年之交情東南學者俵俵
失依吳楚故人皇皇涕慕昔佛曰為圓悟作忌在於
宗門則當然其大仰為瀉山設齋揆之典禮而不謬
以二處皆師之過化視斯舉而人必樂從玄度再來
昔日浮圖今如故蘇公三過當時朝士已無多庶遇
揮金之豪切比掛劍之義

常州崇勝寺化脩造疏

隋司徒陳世威臨終囑其夫人舍所居為杜業寺

疏

四十五條

後改弘業宋改為崇勝寺居毘陵城中首殿弘麗
至元丙子焚蕩俱盡更四十餘年僅作法堂三門
而衆屋未備茲欲重建大佛寶殿僧堂庫院兩廊
復還舊觀所集殊利上祝

聖壽為民祈福而力不逮持疏徧干富貴長者大
心檀那伏望樂施所獲福報不可思議

司徒故居尚想凜然生氣杜業古寺誰憐絕爾荒墟
雖國初焚蕩之餘更

聖化涵濡之久山川有待龍虎重歸城郭是予人民
非誰能吊古大厦成而燕爵賀吾欲圖新爰開選佛

之場乃闢毘耶之室八十頃布金地處處皆給孤獨
園一莖草現瓊樓人人具檀波羅蜜仰歌至化同享
太平

鍾山脩造化疏

鑿昆明掃劫灰胡僧可問駕牛車出火宅諸子何知
願建立與盪除心善巧之方便惟茲虐焰堅我顛輪
山人去孛猿驚嗟千衲之雲散大厦成而燕賀儼萬
礎之星羅挿莖草建精藍盡大地皆檀越鏡容大士
照臨寐定之中白水真人顛徧使令于下萬緣成就
衆口吹噓

廬山東林寺化疏

本寺乃東晉遠公法師同十八高賢種蓮結社之
地宋元豐間陞于禪寺以照覺總公居之蘇東坡
張天覺嘗問道其中若樓殿之偉雄安衆之多為
江西第一叢林迺祐七年九月罹回祿之變今欲
重建造大佛寶殿法堂寢堂方丈僧堂厨庫旃檀
林淨土院山門兩廊衆屋莊嚴佛像鑄造法器鐘
磬供具種種佛事所集鴻因上祝

聖壽萬安次為庶民祈福而所費不貲非大心檀越
乘大願輪而來者未易成就持疏于王公貴人長

者居士蓮社高德或一力成就或隨喜發心功德
平等福報不可思議者

昔庄俗先生之隱蘆山高哉自樓煩大士而來吾道
東矣衣巖谷為錦繡飾土木為金珠宜神物之有歸
豈畢方之能崇過盛必毀天官六丁而下取將舍舊
圖新祝融回祿之相吾子者神運鬼輸而至有天造
地設之奇沼面回波復見蓮華之漏空中擲筆猶傳
貝葉之書雲錦九疊屏風樓閣四時華雨風旛動處
插竿竹建精藍海印發光盡大地皆檀越皇極五福
天子萬年

中天竺寺脩造化疏

東晉時中印土寶掌禪師東游震旦戾止于此住
世一千七十二年至唐咸亨中示寂由晉及唐所
至名山隨時建立道場在在可考事見僧寶傳而
本寺為十方禪林古德安衆行道齒諸大刹朝省
行香祈禱必造焉適羅奇運於泰定四年八月十
八日回祿蕩為焦土然興復之役不容緩首建大
殿法堂羅漢閣庫厨等屋次及三門華嚴閣經鐘
樓諸天閣摩利支天殿僧堂衆寮方丈廊廡圖復
舊觀上祝

聖壽萬安為民祈福而力不迨謹持疏徧叩王臣宰
官長者居士同道知識伏望樂施成此大緣所獲
勝報豈易量哉

三天竺季孟之間贖有前朝遺躅千歲巖丙丁之變
直疑古佛流光頽消長之可量抑乘除之有數三車
廣運誰云諸子失依劫燒蔓迤幸是四禪不動要恢
復名山舊觀盡旁搜大澤長林豈今時之桺子厚文
章為作梓人之傳蓋大地是王老師檀越宜崇祇樹
之園天道好還人心不遠聯珠疊璧緬懷飛鳥驚蛇
禪板蒲團復見羅龍打鳳宏開壽域不費

山疏

四十八

卷

皇圖

虎跑寺素祖師像化疏

童子泉頭昔有能馴之虎丈人屋上皆為可愛之鳥
猶能氣墜諸方尚想神交千載說得一丈行得一尺
眷明訓之可忘禮儀三百威儀三千仰宏規之不墜
有望塵而拜者合構堂而祠焉南雪峯北趙州孰非
吾友死諸葛生仲達想見其人百世高風千金遺像
爰求好義之士相厥成功庶幾吾祖之靈報以多福

蜀僧琦老化藏經歸蜀疏

立言垂教揭杲日麗中天契理

宗決百川朝巨海

在彼聖凡之同得孰云華梵之靡通擁白馬度流沙
以一身任九鼎之重登黃牛望三峽表吾心為百鍊
之剛昭然大法以啓後人懷哉遺愛敢忘吾土步障
春迷華雨命馮夷擊鼓而趨滄江夜燭長虹使真宰
訢天而泣為法檀度作世楷模得一言折乎要衝則
萬卷束之高閣山為礪河為帶立千年不賞成功車
同軌書同文通萬里何煩重譯金輪統御寶藏出興

奉 勅重脩百丈清規疏語

聖節啓散二疏

覆燾無私乾坤孰測其高厚照臨有赫日月莫喻其
光華知贊仰之徒勞欲補報而無極惟託鈞陶之內
義重四恩故竭忠愛之心虔恭三祝斗樞電繞龍象
遙開帝網百億山河咸歸 聖量華歲三千世界益
衍丕圖少盡消埃匪懈朝夕欽顙夔龍登用景星耀
而泰階平麟鳳呈祥聖人作而萬物睹

優鉢羅華瑞世同佛降生閻浮提樹連陰與天齊壽
故毓夙成之睿質克承丕顯之聖謨大哉元至哉元

疏

五十一

體元居正會其極歸其極建極立中爰以吾道之大
同有禊聖時之至治山林鐘鼓樂化日之舒長草木
昆虫被膏澤之滂漉祥開震夙頌祝華封欽顙垂拱
無為天地位而萬物育鈞陶有象陰陽理而四時平
壽考萬年本支百世

祈晴

淫雨為戾物用不成百川橫流民無寧處蓋衆生共
業所感惟上天覆燾無私伏願掃頑雲於四野陰沴
潛消麗杲日於中天容光必照俾五行各順其序而
萬彙悉遂其生

祈雨

亢陽為災百物就槁匪上天之降罰由下民之多愆
惟諸佛開慈悲之門而神呪有祈禳之應伏願拯生
靈於塗炭厥維艱哉起雲龍於山川俾霽霓矣庶茲
多稼乃亦有秋

祈雪

時冬恒溫恐生物之痲癘維天降雪淨下土之稷氛
庸致瓣香之誠願集六華之瑞伏願同雲千里潤澤
八荒六府三事用脩草木咸若二氣五行順序神人
以和

遣蝗

飛蝗蔽天惟凶荒之可慮遺孽入地恐滋孽之難圖
匪假神功之驅除雖極人力而罔措伏願滌之風雨
掃種類以無遺投之江河隨業感而自化民安其業
物遂其生

日食

此日而食占五紀之或乖畏天之威虞六沴之將作
故徇民情而救護蓋依佛力以禱禳伏願五色闌而
黃道明照臨下土羣陰消而陽德盛昭回于天

月食

月耀陰精而主夜所賴照臨天示咎徵于下民於焉
薄食既戒既思以禱以禳伏願妖蠱滅跡清光現大
地山河頽兔長生萬象納廣寒宮殿

佛降誕疏

大海湛然獨聽潮音之震蕩太虛廓爾惟瞻景緯之
橫陳由本大而跡彰抑時至而機應俾羣靈咸成
正覺從五濁示現降生脫珍服著垢衣委身以徇舍
化城登寶所携手同歸初度重臨大恩莫報伏願扇
真風於末世揭慧日於中天無佛無魔法法宣揚王
偈非垢非淨塵塵灌沐金軀

疏

五二二

朱

佛成道疏

無量劫來成佛豈假進脩衆生日用不知示以先覺
覺自覺它而成覺道世出世間而稱世尊闡一代之
化儀遵先佛之遺軌聖菩提樹魔宮隱而無光現優
鉢華法輪熾然常轉故始喻初日之先照而未示拈
華之正傳圓極真常則空有俱亡聖凡夢幻埏埴萬
化則今古一瞬天地豪芒願末裔之何知誦遺言而
有惕伏顏色空明暗咸宣微妙法音蠢動含靈共證
智慧德相

佛涅槃疏

各赴羣機法華之囑累受記力制後學遺教之扶律
談常矧拈華得旨付法正傳而落葉歸根畢吾能事
囿於化者終於盡順世無常寓諸幻而返諸真是名
寂滅然神珠恒照於濁垢而寶月不避於汙泥大定
無方常住恒河沙劫圓機溥應示現千百億身願世
相之難忘臨諱日而增慕伏願闢末流之邪見回季
運之澆漓定慧兼脩長如正法住世天魔率化皆為
外護宗經

帝師涅槃疏

天啓有元薦生輔治之大聖道尊無上實為宣文之

疏

五十二卷

法王密贊化基陰翊王度吐辭為經舉足為法位居
千佛之中博厚配地高明配天尊極一人之上維茲
聖忌益仰恩光伏願重駕願輪贊四海同文之治化
眷言像季振千古正法之宗經

達磨忌疏

大哉正傳紹覺皇之宗裔廓然無聖破義學之膏肓
百川到海迴絕異流杲日麗天罄無側影指人心而
成佛成佛同心契妙道以忘言忘言見道有大功於
世教宜廣振於宗風現濁世優曇華實為鼻祖取神
州大乘器盡入殼中適逢瘞履之辰爰効采繫之薦

伏願信衣表佛祖之重力任千鈞一花開天地之春
芳聯萬世

百丈息疏

一言為天下法中矩中規萬世知師道尊有經有紀
以叢林禮樂之盛見法筵龍象之多華梵同文富儼
石渠天祿經律相濟嚴如金科玉條有布武堂上之
儀非綿蕞野外之禮即此用離此用語脫重玄出於
機入於機理窮衆妙宜配禪祖以陪祀蓋遵諱日而
營齋伏願帝釋精進勝幢制諸魔外濟北陰涼大樹
蔭滿閻浮

楞嚴會啓散二疏

金剛淬礪之精其鋒莫挫鏡假鍊磨之瑩則照不昏
故先聖顯抑揚之機為衆生破微細之惑摩登慶喜
妙協冥權世尊文殊特彰化軌闡一代教觀則有觀
有教示密因脩證而無證無脩明真見而息諸塵空
華無蒂居正定以制羣動止水不波願未裔之何知
誦遺言而自警伏願使恒河沙劫為一念無間長期
會十方刹土以同居咸成正覺

眷此林園宛爾祇桓精舍現前海衆儼然一會靈山
括大千於微塵融三際於當念屬休夏之自恣無犯

無持搃萬象以交叅孰凡孰聖人人妙覺刹刹毘盧
示現千百億身超越五十七位以指喻指之非指指
亦俱已似空藏空而合空空寧可餉為憐幼穉特獎
愚蒙遵遺教以受持賴安居之無障伏願奢摩寂靜
具足諸塵勞門大用繁興等入首楞嚴定

景命曰祝香

二月 元氣淋漓沛然雨澤之及物陽剛大壯觀若
震雷之在天欽願祇承上帝遵王制躬耕藉田動合
天時命義仲寅賓出日五行攸序萬壽無疆

四月 體備乾剛氣正純陽之月德合坤載時成生

疏

五十五

物之功欽願鸞輿啓行諭和赫而巡北陸舜琴在御
昇民財而歌南風於穆萬年以介景福

五月 瑞氣致祥夫地位而雨暘時若薰風長養陰
陽和而品物咸彰欽願大哉元至哉元體元居正會
其極歸其極建極立中壽考萬年本支百世

六月 乘運推移庫金伏而其氣應與時消長陽剛
遁而其道亨欽願雲漢昭回沛甘雨而蘇萬物天波
浩蕩散清陰以蔭四方帝錫九疇民安壽域

八月 灝氣凌空觀天上優曇現瑞秋期應候接月
中桂子吹香伏願露瀟金莖萬寶慶西成之富風清

玉帳六龍旋北狩之巡懋對芳辰以介景福

十月 體備六陰稟朔方之正氣數盈十月慶萬寶
之豐登欽頤禋祀太室祖考格而神人和帝享南郊
寒暑時而風雨節本支百世壽考萬年

十一月 氣塞而通天行周而萬物始陰極而復斗
建子而一陽生欽頤黃鐘應律祀南郊飲福受釐玉
燭調元居玄堂履長納慶

十二月 天地感通陽剛盛進而交泰日月會次歲
曆循環而更新欽頤六龍在御沛九天雨露之恩八
蜡告功集率土山川之慶本支百世壽考萬年

疏

五十六

聖節祝香 四月十七日

如優鉢曇華現瑞與佛同生似閻浮提樹垂陰與天
齊壽望九重而祝頌先厥月以致齋欽頤天數五地
數五叶天地之大和春八千秋八千慶春秋之鼎盛

陸齋疏

奏上

文宗皇帝表

切以士貴知己况蒙

萬乘所知義重報恩不以世禮効報期道契于死生
之表接神游于形化之初欽惟

文宗聖明元孝皇帝陛下妙得佛心生知聖括攘羣
克而復神器功邁中興尊元老而開奎章道隆文治
念潛邸基命大業作佛宮永祚鴻釐順世無常奄棄
臣民於下土入佛正定閔嚴神御於中天重念臣僧

疏

五十七

大訢學愧澄安道慚嵩璉承恩赴闕受命開山莫攀
弓劍之哀彌徒睹羹墻而涕慕遵梁武啓金山之會
大教是承對覺皇宣玉偈之文遺言不墜感召必通
精爽至誠可格于幽冥

陛下欽願淨智妙圓證覺道而超十地大機普應現
分身以濟羣生

供佛智師疏

早承明訓妙萬化於鉗鋸密啓玄關投一機於針芥
念滂聖之妙斷痛遺音之絕弦法乳鼎恩之巴陵之
三語泥龕舉手想東山之再來特脩冥福莊嚴少尉

平生追悼伏願振玄風於不墜奕葉流芳續慧命於無窮千燈不夜

薦受業祖高峯雲和尚疏

垂髫就學恩隆伯父之親祝髮受經道繼師承之裔循頂踵以苟全活由卯翼而遂生成未二十而游方遠遠于養冀萬一以知道不負所期後聞貧病關湯藥之資因阻凶訟之犬馬之報遽成永隔深痛平生歎歲月之易更想音容而如在促無量劫以為一念不涉去來由有漏因而處六凡未明升墜然翳盡空華自滅如覺時夢境皆除不斷生死而證涅槃塵塵解脫橫截娑婆直登淨土法法圓成

薦叅請師友疏

瞿曇宿因舍身而求半偈善財問法趺足以歷百城惟百千法門之甚深非一二師友之能盡故出四方而叅訪多蒙諸老之激揚會百川而朝宗泐無彼此釀衆華以為蜜味絕中邊相須以成敢忘所自庸陳薄供用報所知伏願龍象筵中常宣第一義諦師子座上交叅百萬人天處處現優曇華世世為善知識

薦徒弟行宥知津等疏

吾忝汝師不克訓之以道汝任吾事而能効其所勞

歷渴飢寒暑之三周疲往返道途於萬里請
朝命而蠲差稅寺賴以安築湖蕩而成膏腴衆食其
惠以德積可占其器而年壯遽殞其軀念形氣之無
常人皆有死由勞役而速斃汝實為冤驗今作而知
來因宜先施而獲後報四祖傳法期栽松道者重來
歸宗前身記白蓮莊上相別惟一靈真性不昧則衆
生諸佛本同而死生有間於幽明其神識未知於升
墜仗茲法力用薦清魂已生人天增長福果未離業
趣即出蓋纏悟自性之弥陀了唯心之淨土

薦方外交疏

疏

五十九

吳

為法外護可追支許之遺風以道相忘尚憶錙雷之
結社俛仰已成陳迹死生乃見交情念舊凋零感吾
衰莫因齋追悼冥福是資伏願八德池中早育聖胎
於上品三生石上毋忘携手之重来

薦先孝陳公疏

骨肉生於緣合恩愛相資形氣化而親離哀慟何益
惟劬勞之罔極念補報以無由甫及七齡受命後釋
遠遠千里訪道尋師道既罔知將何諭親以道恩無
能報敢曰割愛忘恩抱哀痛於終天積罪釁于厚地
白頭有母織蒲歸養之未能青山撒廬牽蘿欲補而

無及昔梁武興懷於愛敬而目連啓教於孟蘭博施
宏慈併累劫它世而溥及大哀曠濟故四生六道以
咸資用竭丹誠少翦素志伏願惟心自悟同彌陀登
上品受生當體即真如那吒現本身說法

孤魂榜

一塵不立本無世界衆生諸法俱空寧有聖賢妙覺
由豪釐之繫念隨業感以殊形如燭火不息而燎原
譬濫觴積流而為海貪欲交蔽沉淪鬼趣之幽迷妄
相生造成地獄之慘磨窮劫而積飢積渴以一日而
萬死萬生不有大教之垂慈則使爾類皆淪棄新鬼
大故鬼小空見於書七日戒三日齋唯存諸祭今說
法以開汝真性復施食以濟汝飢虛一念知歸則洋
銅為醍醐甘露稱心具足駕寶車乘樓閣香雲息爾
塵勞入佛境界

